

ՏԻԳՐԱՆ ՄԻՔԱՑԵԼՑԱՆ

1071—1081 թթ. ԹՅՈՒՐՔԵՐԻ ԶԱՆԳԱԾԱՅԻՆ ՆԵՐԹԱՓԱՆՑՈՒՄԸ
ՓՈՔՐ ԱՍԻԱ ԵՎ ԲՅՈՒԶԱՆԴԱԿԱՆ ՆԵՐՔԻՆ
ՀԱԿԱՄԱՐՏՈՒԹՅՈՒՆՆԵՐԸ

Թյուրքերի զանգվածային ներթափանցումը Փոքր Ասիա սկսվեց Մանազկերտի ճակատամարտից հետո, երբ իսլառ փուլոված էր բյուզանդական ռազմական, ինչպես նաև սահմանապահ համակարգը։ Օգտվելով բյուզանդական սահմանների թույլ պաշտպանվածությունից, իրանի տարածքում թափառող օղուզա-թուրքմենական հրոսակները հետզհետե սկսեցին ներխուժել կայսրության հողեր։ Աղբյուրները վկայում են, որ Մանազկերտի ճակատամարտին հաջորդած տաս տարիների ընթացքում՝ մինչև 1081 թ., երբ գահ բարձրացած Կոմենենոսները սկսեցին քայլեր ձեռնարկել Փոքր Ասիայի վերանվաճման ուղղությամբ, սելջուկյան իշխանությունների կողմից ղվերահսկվող այդ հրոսակները՝ զանազան սելջուկ և թուրքմեն ամիրաների ղեկավարությամբ, արդեն հաստատվել էին Փոքր Ասիայի ոչ միայն ծայրամասային, այլև բազմաթիվ ներքին տարածքներում։

Եթե մինչև 1071 թ. թյուրքական զանազան հրոսակախմբերը սելջուկյան պետությանը սահմանամերձ բյուզանդական տարածքները ասպատակման և թալանի ենթարկելով, որպես կանոն, միշտ վերադառնում էին խալիֆայություն, ապա Մանազկերտից հետո նրանք ոչ միայն հիմնավորապես հաստատվեցին Փոքր Ասիայում, այլև այդ հողերի վրա ձևավորեցին մի շարք պետական կազմավորումներ։

Այսպես Հայաստանի և Բյուզանդիայի հողերի վրա ձևավորվեցին Ռումի Սելջուկյանների, Արտուխյանների, Դանիշմենդյանների և այլ թուրքմենական ամիրայություններ։

Փոքր Ասիայում թյուրքերի սկզբնական ներթափանցման (մինչև 1081 թ.), բյուզանդական իշխանությունների հետ նրանց շրփումների և պետական միավորների առաջացման վերաբերյալ պատմական աղբյուրների տեղեկությունները սակավ են:

Կարևոր է ասել, որ մուսուլման հեղինակներ իմադ ադ-Դին ալ-Իսֆահանին (սահպանվել է նրա աշխատության համառոտ տարբերակը ալ-Բունդարիի «Զուրդաթ ան-նուսուա վա նուխրաթ ալ-ուսուսա» անվամբ, XII դ.), իրն ալ-Ասիրը («Ալքամիլ ֆի աթ-թարիխ» XIII դ.), Սադր ալ-Դին ալ-Հուսեյնին («Ախրառ ադ-դաուլա աս-սելջուկիյա», XII դ.), Սիբտ իբն ալ-Ջաուհին («Միո՛ւաթ ազ-ղաման», XIII դ.), ինչպես նաև ասորական պատմագիրներ Աբուլֆառաջը և Իբրահիմ Ասորին, որոնք քաջատեղյակ են XI դարի 80-ականներից հետո Փոքր Ասիայում Ռումի սելջուկյանների և այլ թուրքմեն ամիրաների ծավալած գործողությունների մասին, մեզ ոչինչ չեն հաղորդում այդ տարածաշրջանում 1071—1081 թթ. ժամանակահատվածում վերջիններիս հաստատման գործընթացի մասին: Ոչինչ չեն տալիս նաև, այսպես կոչված, բուն սելջուկյան պատմագրական աղբյուրները, անգամ գրանցից ամենահինը՝ իբն Բիբիի «Սելջուկնամեն»:

Այս առումով մուսուլմանական աղբյուրների բացը որոշ չափով լրացնում են ժամանակի բյուզանդական հեղինակների՝ Միքայել Ատտալիատեսի, Հովհաննես Սկիլիցեսի Շարունակողի, Նիկեփոր Բրիենիոսի, Աննա Կոմնենայի, ինչպես նաև XII դ. հայ հեղինակ Մատթեոս Ուռհայեցու ընձեռած տեղեկությունները:

XI դարում Փոքր Ասիա թյուրքերի ներթափանցման և այդ շրջանի ժամանակագրությանը վերաբերող տարբեր ասպեկտներ քննության են առնվել Ժ. Լորանի, Կլ. Կահենի, Ս. Վրիոնիսի, Ի. Քաֆեսոզլուի, Ս. Բոռնազյանի և ուրիշների կողմից:

Դեռ դարասկզբին Ժ. Լորանը իր աշխատություններում բյուզանդագիտության դիրքերից քննության է առել Ռումի սելջուկյանների պետության կազմավորման գործընթացը և նրա հարաբերությունները կայսրության հետ:

Պատմական աղբյուրների մանրամասն հետազոտություններ կատարելով՝ ֆրանսիացի անվանի արևելագետ Կ. Կահենը մի շարք արժեքավոր ուսումնասիրություններ ունի Փոքր Ասիա և Մերձավոր Արևելք թյուրքերի ներթափանցման սկզբնական փուլի ու սելջուկների պատմության զանազան խնդիրների շուրջ:

1971 թ. լույս տեսավ ամերիկացի գիտնական Սպերոս Վրիո-նիսի՝ Փոքր Ասիայում «միջնադարյան հելլենիզմի» անկման և աս-տիճանական թյուրբացման վերաբերյալ ծավալուն աշխատությունը, որը, ճիշտ է, հարուստ նյութ է պարունակում, սակայն շարա-դրված է հախուռն կերպով, և հեղինակը երբեմն հանգում է անհիմն եզրակացությունների, Հատկապես վիճելի են Բյուզանդական կայս-րության փլուզման գործընթացում հայերի դերի մասին նրա եզրա-հանգումները⁴:

Փոքր Ասիայի նվաճման գործընթացը, բնականաբար, եղել է նաև թուրք գիտնականների ուշադրության կենտրոնում: Արևելյա-գիտության մեջ քաշ հայտնի են Ի. Քաֆեսոլլուի, Մ. Ցընանչի, Մ. Քոյմենի, Ֆ. Սուվերի⁵ և այլոց աշխատությունները, որոնցում սա-կայն աչքի է ընկնում թյուրք հրոսակների հերոսացման միտումը և իրողությունների կամայական մեկնաբանությունը: Հայ գիտնա-կաններից Փոքր Ասիա օղուզա-թուրքմենական ներհոսքին, Հա-յաստանում սելջուկյանների քաղաքականությանը անդրադարձել է Սարգիս Բոռնազյանը⁶:

Ի մի բերելով աղբյուրների տեղեկությունները և քննության առնելով վերոհիշյալ աշխատությունները, կարող ենք եզրակաց-նել, որ Մանազկերտի ճակատամարտից հետո մինչև Կոմեննոսների դինաստիայի իշխանության գալը, առկա էին դեպի Փոքր Ասիա թյուրքական ներթափանցմանը նպաստող մի շարք կարևոր գործոն-ներ: Առաջինը, ինչպես արդեն նշվեց, բյուզանդական սահմանի թույլ պաշտպանվածությունն էր, որի կարևոր պատճառներից էր Հայաստանի հանդեպ XI դարում կայսրության վարած զավթողա-կան քաղաքականությունը և հայ բնակչությանը պարտագրած տե-ղափոխումները դեպի Կապադովկիա ու Կիլիկիա, որի արդյունքում կայսրության արևելյան սահմանները գրեթե անպաշտպան մնա-ցին⁷:

XI դարում Բյուզանդիան շարունակեց անկախ հայկական պե-տությունների վերացման քաղաքականությունը, որի արդյունքում կայսրությունը հետզհետե յուրացրեց ամբողջ Հայաստանը: Այս-պես, 1021 թ. Բյուզանդիային միացվեց Վասպուրականը, ընդ ո-րում վասպուրականահայության մի ստվար զանգված գաղթեց դե-պի Սեբաստիայի կողմերը⁸: 1045 թ. հուլյները զավթեցին Բագրա-տունյաց թագավորությունը՝ Անի մայրաքաղաքով: Բյուզանդիա-

յին միացված տարածքներում բնակվող հայության մի զգալի մասը, այդ թվում ավագանին և ռազմունակ տարրեր, տեղափոխվում էր դեպի Կիլիկիայի կողմերը: Կայսրությանը միացված հայկական նահանգներում վերացվում էր դարերով ստեղծված հայկական սահմանների պաշտպանական համակարգը, որը փոխարինվում էր ոչ արդյունավետ բյուզանդականով:

Արտաքին վտանգի առջև կայսրության դիմադրելու կարողությունը կտրուկ նվազեցրեց նաև Կոնստանտին Մոնոմախի օրոք դրամական խնայողության նպատակով իրականացված Իբերիա բանակաթեմի հայ-վրացական 50 հազարանոց բանակի կազմալուծումը:

Մյուս կարևոր գործոններից են անկարող կայսրերի և կառավարությունների առկայությունը, բյուզանդական մարտունակ բանակի բացակայությունը, որի հիմնական պատճառը ավանդական բանակաթեմային համակարգի և համապատասխանաբար բանակի հիմք հանդիսացող զինվորական ստրատիգիական խավի քայքայումն էր: Արդյունքում կտրուկ աճում էր մեծաքանակ օտարազգի վարձկաններով համալրված տազմային (ոչ թե բանակաթեմներում, այլ մայրաքաղաքում կայանավորված) զորամիավորումների նշանակությունը, որոնց նվիրվածությունը կայսրության շահերին խիստ ուղյամանական էր, իսկ մարտունակությունը բարձր չէր:

Հաջորդ կարևորագույն գործոններից էր ներքաղաքական շահագանց անկայուն իրադրությունը, այն է՝ գահին տիրանալու համար կենտրոնական իշխանության դեմ բյուզանդական ավագանու բարձրացրած անվերջանալի ապստամբությունները, որոնցում ընդգրկված առանց այն էլ սակավաթիվ բյուզանդական ջոկատները էլ ավելի էին ջլատվում: Ոչ պակաս կարևոր գործոններից մեկն էլ այդ ներքաղաքական պատերազմներում իբրև վարձու զինվորական ուժ կայսրության տարբեր վայրերում հայտնված թուրքմենական հրոսակների օգտագործման պրակտիկան էր, որ հետզհետե ավելի մեծ մասշտաբներ էր ստանում:

Հոդվածում փորձ է արվում ժամանակի աղբյուրների լույսի ներքո պարզաբանել այս վերջին գործոնի դերը փոքրասիական տարածքներում 1071—1081 թթ. օղուզ-թուրքմենների հաստատման գործում:

Զինվորական վարձկանության ինստիտուտը բյուզանդական բանակներում սկիզբ է առնում դեռևս նրա պատմության վաղ ժամանակներից: Դեռևս IV—V դարերից, զինվորական ուժի մշտական պակասի հետևանքով բյուզանդական բանակներում ծառայության էին վերցվում հարևան ժողովուրդների ներկայացուցիչներից կազմված վարձկան շոկատներ: Այդպիսի վարձու զորամիավորումները հաճախ զինվորական ծառայության էին տարվում ֆեդերատների կամ իմիտացների կարգավիճակով, այսինքն կայսրության սահմանամերձ գոտիներում վարձատրության դիմաց պարտավոր էին մասնակցել արտաքին սահմանների պաշտպանությանը¹⁰:

Սակայն բյուզանդական բանակում օտարազգի վարձկանների ներգրավումը զանգվածային բնույթ ստացավ XI դարի երկրորդ կեսից, երբ քայքայված էր արաբական արշավանքներին զուգորթաց ձևավորված բանակաթևմային ռազմական համակարգը և, հետևաբար, ազատ գյուղացիական ծագում ունեցող պրոֆեսիոնալ զինվորական ստրատիոտական խավը: Կայսրության համար արդյունքը ողբալի էր այն իմաստով, որ նա փաստորեն զրկվեց իր ավանդական զինվորական ուժից, առանց լուրջ փոխարինող ունենալու: Այսպիսի պայմաններում կայսրերը ստիպված եղան հիմնականում հենվել օտարազգի վարձկանների վրա: Հայտնի է թյուրք վարձկանների և մասնավորապես ռուսական վարձու շոկատների ունեցած դերը Մանազկերտի ճակատամարտում Ռոմանոս Դիոգենեսի պարտության գործում:

Իրավիճակը էլ ավելի վատթարացավ 1071 թ. ի վեր, երբ բյուզանդական կայսրերը և ավագանին, շունենալով այլ միջոց, ուղղակիորեն սկսեցին վարձել և այսպիսով ներքաշել Փոքր Ասիա ներխուժած օղուզա-թուրքմենական հրոսակներին զահի համար մղվող անվերջանալի պատերազմներում:

Ըստ Նիկեիոս Բրիենիոսի, առաջինը հենց զահընկեց արված Ռոմանոս Դիոգենեսն էր, որ, հայտնվելով ծանր ռազմական կացության մեջ (նա պատսպարվել էր Աղանայի մարոցում՝ Անդրոնիակաս Դուկասի գլխավորած շոկատի կողմից), օգնություն խնդրեց իրեն պարտության մատնած Ալփ-Արսլանից¹¹:

1073 թ. Փոքր Ասիայում ապստամբություն բարձրացրեց բյուզանդական բանակում ֆրանկ վարձկանների հրամանատար Ռուսելիոսը, որը փորձում էր իրեն ենթարկել Գալաթիայի և Լիկաոնիա-

ի ղյուղերն ու քաղաքները: Նրա դեմ ուղարկված կաւերական
յորթը, որը գլխավորում էր կեսար Հովհաննես Դուկասը, պարտ-
վեց Ռուսելիոսից, ընդ որում կեսարը հերվեց Ֆրանկ առաջնորդի
կողմից: Ապստամբությունն առավել վտանգավոր դարձավ կայ-
սերական իշխանության համար, քանի որ Ռուսելիոսին միացան
նաեւ կայսր Միքայել VII-ի դեմ տրամադրված բյուզանդացի այլ
իշխաններ: Ապստամբ դորթը, Հովհաննես Դուկասին կայսր հռո-
շակելով, բիշ հետո շարժվեց դեպի Կոստանդնուպոլիս: Այս ծանր
իրավիճակում կառավարութունն այլ ելք չգտավ, քան դիմել այդ
ժամանակ Արեւելյան Փոքր Ասիայում իր հրոսակախմբի հետ թա-
փառող Ալփ-Արսլան սուլթանի հրամանատարներից մեկի՝ թուրք-
մեն ամիրա Արտուկի օգնությանը¹²: Կայսեր կանչով Արտուկը իր
5 հազարանոց ջոկատով եկավ Բուլթանիա և տեղակայվեց Մետա-
րոյե կոչվող ամրոցի մոտ, որի մոտակայքում էր գտնվում նաեւ
Ֆրանկ հրամանատարը իր զորախմբով: Նիկոմեդիա քաղաքի շըր-
ջակայքում, Սոֆոն լեռան մոտ թուրքմենները պարտության մաա-
նեցին Ռուսելիոսին, որը Հովհաննեսի հետ գերվեց Արտուկի կող-
մից:

Հարկ է նշել, որ սա աղբյուրներում Արտուկ իբն էքսեբի, կամ
էքսուբի (տարածված են նաեւ Արտուկ, Օրտուկ, Ուտտուկ, Արտակ
ձևերը) առաջին հիշատակութունն է¹³: Արտուկը սերում էր թուրք-
մեն Դոզբեր ցեղից և Ալփ-Արսլանի հրամանատարներից մեկն էր:
Հետագայում նա դարձավ Արտուկյանների թուրքմեն դինաստիայի
հիմնադիրը:

Զահիր ադ-Դին Նիշափուրիի (XII դար) պարսկալեզու «Սել-
ջուկ-նամեի» մեջ մի հիշատակութուն կա, որ Մանաղկերտի ճա-
կատամարտից առաջ Ալփ-Արսլանը իր հրամանատարներին հա-
վիտյան տիրութուն խոստացավ Ռումի հողերը¹⁴: Ըստ մեկ այլ,
XVI դարի հեղինակ Ղաֆֆարիի հաղորդման, Արտուկին բաժին են
րնկնում Մարդինը, Ամիդը, Մելիտենեն և Խարբերդը¹⁵: Այս հա-
գորդումը, որը չի հաստատվում այլ աղբյուրների կողմից, մեր կար-
ծիքով ուշ միջնադարյան հեղինակի նորամուծութունը կարելի է
համարել: Արտուկյանների պետութունը, որը ընդգրկում էր Դիար-
բեքիրը, Հիսն Քայֆը, Ամիդը, Մարդինն ու Նփրկերտը, կազմա-
վորվեց ոչ թե Արտուկ իբն էքսեբի օրոք, այլ XI դարի վերջին տասն-
ամյակում և XII դարի սկզբներին նրա որդիների ջանքերով: Հայտ-

նի է, որ այս տարածքներ Արտուկյանների գալու պահին դրանք արդեն գրավված էին սելջուկյանների կողմից¹⁶:

Բութանիայում Արտուկի հետ կապված իրադարձությունների մասին Ատտալիատեսը հաղորդում է, որ Ռուսելիոսին պարտության մասնելուց և Միքայել Դուլաս կայսրից վարձավճարը ստանալուց հետո Արտուկը վերադարձավ Արևելյան Անատոլիա¹⁷: Վրիոնիսը, մեկնաբանելով Ատտալիատեսի այս հաղորդումը, կարծիք է հայտնում, որ շնայած Արտուկի հրոսակախմբի վերադարձին, ռոստ երեւոյթին շատ թուրքեր մնացին տեղում և նվաճեցին մի շարք տարածքներ, որոնք չեն մատնանշվում աղբյուրների կողմից¹⁸: Սա, մասնավորապես, հաստատում է Բրիենիոսի այն հաղորդումը, որ Սոֆոնի իրադարձություններից քիչ անց Հերակլիայի շղջակայքը հեղեղվել էր թուրքմեններով¹⁹:

Արտուկի միջամտությունը, սակայն, չօգնեց Միքայելի կառավարությանը հաշվեհարդար տեսնել Ռուսելիոսի հետ: Փրկագին վճարելով, նա աղատվեց Արտուկի գերությունից և իր գործողությունները տեղափոխեց Արմենիականի բանակաթեմ, ուր ասպատակությունների շնորհիվ հարկավճարություն էր պարտադրում տեղացի բնակչությանը: Միայն 1074 թ. ապագա կայսր Ալեքսիոս Կոմնենոսին հաջողվեց վերջ դնել Ռուսելիոսի գործողություններին, այն էլ այդ ժամանակ Ամասիայում թափառող Տուտակ, կամ Տուտախ²⁰ անունով մի թուրքմեն ամիրայի շնորհիվ, որին խոշոր վարձավճար տրվեց: Ըստ Աննա Կոմնենայի, Թութակը իր ահագին դուրքով Բյուզանդիա էր եկել ասպատակությունների և թալանի նպատակով²¹:

Փոքր Ասիայում օղուզա-թուրքմենական ներթափանցման հետ սերտորեն առնչվում է Ռումի Սելջուկյանների պետության կամ Նիկիայի սուլթանության ձևավորումը:

1077 թ. իրենց թուրքմենական հրոսակախմբերով Նիկիա քաղաքի շրջակայքում հաստատվեցին Գթլմուշի (այլ կերպ նաև՝ Քութլամիշ, Քութլումուշ և այլն) որդիներ Սուլեյման և Մանսուր սելջուկյան ամիրաները:

Սուլեյմանն ու Մանսուրը, իրենց հոր՝ 1064 թ. սուլթանի դեմ բարձրացրած ապստամբությունից հետո, որի արդյունքում Գթլմուշը սպանվեց, ավանդական թշնամական հարաբերությունների մեջ էին գտնվում Ալփ-Արսլանի հետ և այդ իսկ պատ-

ճառով մշտապես հալածվում էին վերջինիս կողմից: Ուստի, բացի տարածություններ զավթելու հեռանկարներից, Գթլմուլի որդիների՝ Փոքր Ասիայում հայտնվելը նրանց հնարավորություն էր տալիս խուսափել սելջուկյան սուլթանի ճնշումներից:

Հեղինակներից մի քանիսը, մասնավորապես Սկիլիցեսը, Ատտալիատեսը, ինչպես նաև Աբուլֆարաջը, Սուլեյմանի ու Մանսուրի՝ Փոքր Ասիայում հայտնվելը, բացատրում են Մելիքշահի հետ իբր վերջիններիս կնքած այն համաձայնությամբ, ըստ որի նրանք դադար կտան սուլթանի դեմ իրենց մշտական ապստամբ տրամադրություններին և ղործողությունները կտեղափոխեն Բյուզանդիա՝ իրենց համար տիրույթներ կորզելու և միաժամանակ Փոքր Ասիան Սելջուկյաններին պատկանող հող դարձնելու համար²²:

Մասնագիտական գրականության մեջ, մասնավորապես Բ. է. Բոսվորտը, կասկածներ է հայտնել այս վարկածի շուրջ: Բոսվորտը գտնում է, որ սուլթանը չէր կարող իր ձեռքով Սուլեյմանին և Մանսուրին նշանակել Փոքր Ասիայի սելջուկյանների կառավարիչ²³: Մենք համամիտ ենք Բոսվորտի հետ, և այդ է վկայում Մելիքշահի հանձնարարությամբ Գթլմուլի որդիների դեմ Բորսուկի գլխավորած արշավանքները²⁴, որի հետևանքով սպանվեց Մանսուրը: Բացի դրանից, Մելիքշահը հազիվ թե գիտակցաբար մի ահռելի տարածք հանձներ Սուլեյմանի հսկողությանը, որը կնպաստեր իրեն մրցաֆից սելջուկյան ճյուղի հզորացմանը:

Աղբյուրներում Սուլեյմանի մասին առաջին անգամ հիշատակվում է հետևյալ իրադարձությունների հետ կապված. կայսր Միքայել VII Դուկասը վարձում է Սուլեյմանին խոշոր ավատատեր նիկեփոր Բոտանիատեսի ապստամբությունը ճնշելու նպատակով: Սակայն Բոտանիատեսին հաջողվում է իր կողմը գրավել Սուլեյմանին²⁵: Սբա շնորհիվ Բոտանիատեսը հնարավորություն ստացավ մուտք գործել Նիկիա, որը 1078 թ. ամբողջովին գտնվում էր Սուլեյմանի թուրքմենական զորախմբերի վերահսկողության տակ: Ի վերջո, Սուլեյմանի օգնությամբ Բոտանիատեսը կարողացավ հաստատվել բյուզանդական գահին:

Ատալիատեսի հաղորդմամբ՝ Բոտանիատեսի ապստամբության արդյունքում փոքրասիական մի շարք քաղաքներում, այն է՝ Նիկիայում, Քաղկեդոնում, Նիկոմեդիայում, Պիլեում, Խրիսուպոլիսում, Ռուֆինիայում և Կյուզիկոսում, տեղակայվեցին թյուրքական կայա-

զորներ²⁶։ Սա, անկասկած, Սուլեյմանին հնարավորութիւն ընձեռեց հաստատվել այդ քաղաքներում և հետագայում ընդգրկել դրոշմը իր պետութեան մեջ։ Փաստորեն, առաջին անգամ օղուղները մուտք գործեցին փոքրասիական քաղաքներ։ Մինչ այդ թյուրքերը կոտակվում էին միայն գյուղական վայրերում։ Բն ինչ հետեանք ունեցավ սա, նարեի է եղրակացնել այն բանից, որ միայն 1090-ականներին սկզբներին Ալեքսիոս Կոմնենոսին հաջողվեց վերադարձել այս քաղաքներից մի քանիսը²⁷։

Սուլեյմանի մասին տեղեկութիւններ է հաղորդում նաև Մատթեոս Ուռհայեցին, որը նրան անվանում է «մի ոմն ամիրա Սուլիման Գթլմուշի որդին, որ բնակվում է բյութանացվոց նիկիա քաղաքում»²⁸։ Սուլեյմանի մասին Ուռհայեցին առաջին անգամ հիշատակում է 1084 թ. նրա կողմից Անտիոքի գրավման կապակցությամբ, երբ Ռումի սելջուկյանները արդեն հիմնավորապես հաստատվել էին Փոքր Ասիայում։

Ատալիատեսը մեզ տեղեկացնում է, որ Սուլեյմանի հրոսակներին Բոտանիատեսը համարում էր կայսերական զորքի անբաժանելի մասը, նրանց վճարում էր օրավարձ և ընդհանուր վարձ, իսկ թուրքմենն առաջնորդները բարձր կոչումներ էին ստանում, ինչպես օրինակ հանրահայտ թյուրք ամիրա Զականը իր պատանեկութեան օրերը²⁹։

Մինչև Ալեքսիոս Կոմնենոսի գահ բարձրանալը, 1081 թ. Փոքր Ասիայում բռնկվեց մի նոր ապստամբութիւն, որն այս անգամ ղեկավարում էր խոշոր ֆեոդալ նիկեփոր Մելիսենոսը։ Բրիենիոսը հաղորդում է, որ այդ ավատատերը նույնպես հիմնականում ապավինում էր թյուրքերի օգնությանը, որոնց տնօրինությանը նա հանձնեց Փոլուգիայի, Գալաթիայի և Ասիայի (Արևմտյան Փոքր Ասիա) մի շարք քաղաքներ³⁰։

Մատթեոս Ուռհայեցու վկայությամբ Մանազկերտի ճակատամարտից հետո Փոքր Ասիայում փաստացի անկախ պետութիւն հիմնած հայազգի Փիլարտոս Վարաժնունին (Ֆիլարետ Վրախամիոս) Կիլիկիայի հայ իշխաններին իրեն ենթարկելու նպատակով նույնպես երբեմն դիմում էր թյուրք ամիրաների ծառայությանը։ Այսպես, Սասունի Թոռնիկ իշխանի հետ նա հաշվեհարդար տեսավ ներկերկերտի Ամր Քափր անունով մի թյուրք ամիրայի օգնությամբ³¹։

Այսպիսով, կասկածից վեր է, որ Մանաղկերտի ճակատամարտից հետո բյուզանդական կայսրերի և ապստամբ ֆեոդալների կողմից դահի համար մղված պատերազմներում օղուզ և թուրքմեն վարձկան ռազմական ուժի կիրառման պրակտիկան թյուրքերին հրնարավորություն ընձևեց էլ ավելի խորը թափանցելու այդ տարածաշրջանի տարբեր վայրեր։ Փաստորեն, միջամտելով միջբյուզանդական ներքին պատերազմներին, օղուղները և թուրքմենները, անշուշտ, հնարավորություն ստացան վերահսկելու Փոքր Ասիայի կարևորագույն ճանապարհներն ու մասամբ հիմնվելու Փոքր Ասիայի դեռևս իրենց կողմից չգրավված շրջաններում, որոնք հետագայում մի փոքր ուշքի եկած կայսրության դեմ պայքարի հենակետեր դարձան։ Բյուզանդական ավագանու անհեռատես քաղաքականության հետևանքով Փոքր Ասիայի մի զգալի մասը հայտնվեց օղուզ և թուրքմեն հրոսակների ձեռքին։ Ավելորդ չի լինի նշել, որ հենց այս պահից սկսած թյուրքական տարրը սկսեց հետզհետե ոչնչացնել, դուրս մղել և թյուրքացնել տեղացի հույն և հայ բնակչությանը։

Չնայած Փոքր Ասիայի կարևոր քաղաքներից շատերը դեռևս գտնվում էին բյուզանդացիների ձեռքին, այնուամենայնիվ, մեկուսացած էին իրարից, քանի որ նրանց կապող գլխավոր ճանապարհները գրեթե լիովին անցել էին օղուղական և թուրքմենական հրոսակների և զինվորական ջոկատների վերահսկողության տակ։

Անհրաժեշտ է նշել, որ թեև առաջիկա տասնամյակներում (1081—1176 թթ.) Ալեքսիոս և Հովհաննես Կոմենենոսների վարած եռանդուն քաղաքականության, ինչպես նաև նպաստավոր արտաքին իրավիճակի և, մասնավորապես, խաչակրաց արշավանքների շնորհիվ թյուրքերի հսկողության տակ գտնվող Փոքր Ասիայի մի մասը հնարավոր եղավ վերանվաճել, այսուհանդերձ, թուրքմենների նորանոր մեծաթիվ խմբերի ներհոսքը Փոքր Ասիա պայմանավորեց թյուրք նվաճողների զինվորական ուժի քանակային առավելությունը բյուզանդացիների նկատմամբ։ Չնայած երկրի հզորության բարձրացման ուղղությամբ Կոմենենոսների ջանքերին, քայքայված բյուզանդական տերությունը այդպես էլ չկարողացավ թյուրքական ներխուժման առաջն առնել։

1176 թ., Մանաղկերտի ճակատամարտից հարյուր տարի հետո, Մյուրոկեֆալոնի ճակատամարտում բյուզանդական զորքի պարտությունը վերջ դրեց Փոքր Ասիայում թյուրքական տիրապետության

վերացման հետ կապված հույսերին և, ընդհակառակը, ապահովեց թյուրքերի միակողմանի տիրապետությունը Փոքր Ասիայի գրեթե ամբողջ տարածքում:

Փոքր Ասիայի վերջնական կորստից հետո Բյուզանդիան դադարեց համաշխարհային տերություն լինելուց և վերածվեց տեղական նշանակության մի բալկանյան երկրի, որին առաջիկա երեք հարյուրամյակի ընթացքում վիճակված էր նվաճվելու օսմանյան տերության կողմից:

Ի մի բերելով աղբյուրների տվյալները, կարելի է եզրակացնել, որ նախքան Մանադկերտի ճակատամարտը, և հատկապես նրանից հետո, բյուզանդական ավագանու ապավինումը թյուրք վարձկանների ռազմական ուժին ոչ միայն զգալի վնաս հասցրեց Բյուզանդիայի պետական շահերին, այլև մեծապես նպաստեց օգուժ և թուրքմեն տարրի ներթափանցմանը Փոքր Ասիա և սկիզբ դրեց աստիճանական թյուրքացման գործընթացին:

TIGRAN MIKAYELIAN

1071—1081 TURKISH PENETRATION INTO ASIA MINOR AND BYZANTINE INTERNAL STRIFES

The Turkish penetration into Asia Minor began soon after Manazkert battle when Byzantine frontier defense system was in total collapse. Among factors which enabled the Turkish penetration into inner Anatolia was the practice of using Oghuz and Turcoman bands which entered Byzantium to pillage in internal strifes for throne by Byzantine nobility.

Thus, Turkoman emir Artuk ibn Ekseh, future founder of Artukid dynasty, was hired by Michael VII to fight Norman mercenary commander Roussel de Bailltut who was trying to establish itself in Galatia and Lycaonie by plundering its cities and towns. For this purpose Artuk's band appeared in Bythinia and defeated Norman leader. As a result Turkomans particularly swarmed the region around the Black see.

The Turkish penetration in to Asia Minor prior to Comnene dynasy is closely related with the origins of Seljuqid Sultanate of Rum which became possible in certain level due to recruitment of Sulayman ibn Qutalmish first by Emperor Michael VII and then by rebellious magnat Nicephorus Botaniates. Due to Sulayman's support Botaniates succeeded in acquiring of By-

zanline throne The strife of Nicephorus installed Turks as garrisons in cities of Nicaea, Chalcedon, Nicomedia, Pylae, Chrysopolis, Ruphiniana, Cyzicus. This was first time when the Oghuz entered cities; before this they were crowding exclusively in rural areas.

As the result of new strife for the throne by Byzantine magnat Necephorus Melissenus many towns of Asia (Western Asia Minor), Phrygia and Galatia actually wefe given to Turkoman control.

Thus Byzanine internal strifes after the Manazkert battle enabled the Oghuz and Turkoman bands to penetrale further into the regions not accessible for them before and turn them into the bases for their gradual expansion to the considerable part of Asia Minor.

ПРИМЕЧАНИЯ

¹ Анна Комнена. Алекспада, Вступительная статья, перевод и комментарии В. И. Любарского, М., 1965, с. 136.

² J. Laurent, Byzance et les Turcs Seldjoucide en Asie Minuere, Nancy, 1914. [dem. Byzance et les origines du sultanat de Roum, Melanges Charles Diehl I, Paris, 1930 (այսուհետև J. Laurent, Les origines.). Ս. Բոռնազյան, Հայաստանը և սելջուկները XI—XII դդ., Երևան, 1980:

³ C. Cahen, La premiere penetration turque en Asie-Mineure (Seconde moitie du XI siecle), Byzantion, v. XXVIII, 1948. [dem. The Turkish Invasion: the Selchukids, in History of the Crusades, ed. K. Sellon, vol. I, 1955.

⁴ S. Vryonis, The Decline of Medieval Hellenism in Asia Minor and the Process of Islamisation from the Eleventh through the Fifteenth Century, L. A., 1971, էջ 108.

⁵ M. F. Köprülü, Anadolu Selcukluları tarihinin yerli kaynakları, TTKB, 1943, c. VII, № 27; M. H. Yıncı, Türkiye tarihi. Selcuklular devri. I. Anadolu'nun fethi, İstanbul, 1944; İ. Kafesoglu, Sultan Meliksah devrinde քրդոց Selcuklu İmparatorluğu, İstanbul, 1953; M. A. Koymen, Selcuklu devri Türk tarihi, Ankara, 1963; F. Sümer, Malazgirt savasına katılan Türk beyleri, — «Selcuklu Araştırmaları Dergisi» IV, Ankara, 1975.

⁶ Ս. Բոռնազյան, Հայաստանը և սելջուկները XI—XII դդ.:

⁷ Հայ ժողովրդի պատմություն, Տ. III (Հր. Բարթիկյան, Հայաստանը բյուզանդական տիրապետության ներքո, Հայաստանը զարգացած ֆեոդալիզմի դարաշրջանում (IX դ. կեսերից մինչև XIV դ. կեսերը), Երևան, 1976, էջ 430—431:

⁸ Հայ ժողովրդի պատմություն, Տ. III, էջ 143:

⁹ Նույն տեղում, էջ 432:

¹⁰ История Византии, т. I, М., 1967, с. 140; Г. Г. Литаврин. Византийское общество и государство в X—XI вв., М., 1977, с. 238.

¹² Michaelis Attaliotae Historia, recognovit Immanuel Bekkerus. Bonnae,

¹¹ Nicephori Bryennii Commentarii. Sec. A Nenncke, Bonn, 1836, էջ 57 (այսուհետեւ Бг.).

¹³ 1853, էջ 190, Հովհաննես Սկիլիզես. Պատմություն. Բարդ. Հր. Բարթիկյանի, Երևան, 1991, էջ 249:

¹⁴ C. Cahen, La premiere penetration, էջ 53.

¹⁵ Ali Sevim, Artuklularin soyu ve Artuk Bey'in siyasi faaliyetleri, Türk Tarih Kurumu Belleten, XXVI, 1962, էջ 125.

¹⁶ Նույն տեղում:

¹⁷ K. Босворт, Мусульманские династии, М., 1971, с. 167.

¹⁸ Attaliates, էջ 184.

¹⁹ Vryionis, The Decline, էջ 111.

²⁰ Бг. 93—95.

²¹ Бг. 66: Բրիենիոսը այդ ամիրային կոչում է թուրք, ինչը ի. Կահենի կարծիքով անհնարին է, բանի որ Ալի-Արսլանի որդի թուրքը այդ ժամանակ մանկահասակ էր:

²² Анна Комнена, էջ 58—61.

²³ St. J. Laurent, Byzance et l'origine du sultanat de Roum, Melanges Charl Diehl, 1930, էջ 179.

²⁴ C. E. Bosworth, The Political and Dynastic History of the Iranian World (AD. 1000—1217) In: The Cambridge History of Iran, էջ 960.

²⁵ Abul Faraj Bar Hebraeus, Chronography, Trans. by W. Budge, London, 1932, էջ 227.

²⁶ Սկիլիզես, էջ 264: Սկիլիզեսի Շարունակողը Սուլեյմանին սխալմամբ անվանում է Գրյունու:

²⁷ Attaliates էջ 263—268.

²⁸ Анна Комнена, էջ 199—200.

²⁹ Մաթրեսու Ուոհայեցի, Ժամանակագրություն, Աշխարհաբար Բարդմանությունը և ծանոթությունները Հ. Բարթիկյանի, Երևան, 1991, էջ 241.

³⁰ Анна Комнена, էջ 220, Laurent, Byzance et les origines, էջ 181.

³¹ Бг. էջ 158.

³² Մաթրեսու Ուոհայեցի, էջ 224—226: